



RESOLUCIÓN DA XEFATURA TERRITORIAL DA CONSELLERÍA DO MAR DE VIGO POLA QUE SE AUTORIZA O EMPREGO DA LISTA DE RESERVA XURDIDA DA RELACIÓN DEFINITIVA DE PERSOAS NON SELECCIONADAS E QUE NON FORON EXCLUÍDAS DO PROCESO SELECTIVO PARA TER ACCESO AO PERMISO DE EXPLOTACIÓN PARA OURIZO A PÉ NA CONFRARÍA DA GUARDA

ANTECEDENTES

1. A Orde do 22 de decembro de 2021, pola que se aproban os plans de xestión para recursos específicos e algas en Galicia para o trienio 2022-2024, aproba o plan específico de explotación de ourizo na modalidade a pé da Confraría da Guarda, no que figura un número máximo de nove (9) participantes durante o seu desenvolvemento.
2. Mediante Resolución da Xefatura Territorial de Vigo, o 21 de novembro de 2022 convócase un proceso selectivo para acceso a unha (1) praza de ourizo na modalidade a pé no ámbito da Confraría da Guarda. Este proceso vai dirixido a aquelas persoas con permiso de percebe a pé vixente e que participen no plan específico de explotación de percebe na modalidade a pé da Confraría da Guarda aprobado para o trienio 2022-2023.
4. Mediante Resolución do 26 de xaneiro de 2022 publicáronse as listas definitivas de persoas seleccionadas e daquelas non seleccionadas, que constitúen unha lista de reserva, que terá unha vixencia dun (1) ano contado desde o día seguinte ao da data da resolución definitiva.
5. O 17 de outubro de 2023 a Confraría da Guarda solicita o emprego da lista de reserva para a cobertura de dúas (2) vacantes, xurdidas pola renuncia de dúas persoas durante o ano 2023.

CONSIDERACIÓNS LEGAIS E TÉCNICAS

1. Esta Xefatura Territorial é o órgano competente para o outorgamento dos permisos de explotación, de acordo co establecido no Decreto 425/1993, do 17 de decembro, polo que se refunde a normativa vixente sobre o permiso de explotación para exercer a actividade pesqueira e marisqueira, modificado polo Decreto 114/2007, de 31 de maio e polo Decreto 48/2013, do 7 de marzo.
2. A Orde do 30 de decembro de 2015, pola que se regula a explotación dos recursos específicos no ámbito da Comunidade Autónoma de Galicia, regula nos artigos 9 a 15 o procedemento para a obtención do permiso de explotación a pé para recursos específicos. O artigo 15 regula a lista de reserva nos procesos selectivos e indica que terá vixencia dun (1) ano que se contará desde o día seguinte ao da data da resolución definitiva da xefatura territorial.

A confraría de pescadores ou entidade asociativa, de conformidade coa agrupación sectorial, de estar constituída, poderá solicitar á xefatura territorial correspondente o emprego da lista de

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal



reserva nos seguintes supostos:

- a) Cando se produzan vacantes durante o proceso de outorgamento.
- b) Cando se produzan vacantes durante a vixencia dos plans de xestión correspondentes.

No momento actual hai sete (7) persoas con permiso de explotación de ourizo a pé, ao renunciaren dúas (2) ao permex durante a vixencia do plan de xestión correspondente, polo que existen dúas (2) prazas vacantes.

De acordo co anteriormente indicado, e de conformidade coa disposición transitoria primeira do Decreto 245/2009, do 30 de abril, polo que se regulan as delegacións territoriais da Xunta de Galicia, e no Decreto 177/2016, polo que se fixa a estrutura orgánica da Vicepresidencia e das consellerías da Xunta de Galicia, esta xefatura territorial no exercicio das súas competencias,

RESOLVE:

1. Facer público o nome das dúas persoas seleccionadas da lista de reserva para o acceso ao permiso de explotación de ourizo na modalidade a pé para o exercicio da actividade extractiva no ámbito da Confraría da Guarda:

Nº	Apelidos e nome	D.N.I.
1	PÉREZ ESTÉVEZ, DIEGO	* * * 7175 * *
2	MARTÍNEZ ALONSO, LUCÍA	* * * 0143 * *

Nota: ocúltase parcialmente o número de DNI. en aplicación das garantías de protección da súa divulgación, seguindo o establecido pola Lei orgánica 3/2018, do 5 de decembro, de Protección de Datos Persoais e Garantía dos Dereitos Dixitais en relación á identificación dos interesados nas notificacións por medio de anuncios e publicacións de actos administrativos, así como a orientación para a súa aplicación da Axencia Española de Protección de Datos.

2. As persoas seleccionadas disporán dun prazo de **quince (15) días hábiles**, contados a partir do seguinte ao da publicación da presente resolución, para achegar a documentación que figura na base 3.2 do anexo A da convocatoria:

- a) **Certificado de estar empadroado/a nun municipio do litoral de Galicia.**
- b) **Certificado da Seguridade Social de non ser perceptor/a de pensións de xubilación, grande invalidez, incapacidade permanente absoluta, incapacidade permanente total, en favor de familiares ou perceptor da renda de integración social de Galicia.**

A documentación indicada no apartado a) e b) non será necesaria que se presente no caso de ter indicado na solicitude inicial o consentimento expreso da persoa para comprobar os datos mediante consulta ao sistema de verificación de datos de acordo co Decreto 255/2008, do 23 de outubro, e a Orde do 7 de xullo de 2009.

Xefatura Territorial de Vigo
Rúa Concepción Arenal, 8-4º andar
36201 Vigo (Pontevedra)
Tel.: 986817104
recursosmarinos.cmm.vigo@xunta.gal





c) Documento acreditativo de non estar incapacitado/a para exercer os labores de marisqueo.

Esta documentación deberá dirixirse á Xefatura Territorial da Consellería do Mar en Vigo.

4. De acordo co disposto no Decreto 425/1993, do 17 de decembro e a Orde do 30 de decembro de 2015, as persoas seleccionadas que presentaron a documentación dentro do prazo establecido, para o outorgamento do permiso de explotación deberán cumprir, ademais, co requisito de non ter sancións firmes en vía administrativa en materia de protección de recursos mariños, pendentes de pagamento.

Se a persoa seleccionada non presentase a documentación dentro do prazo fixado, ou se do exame da mesma se deducise que carece dalgún dos requisitos sinalados na Base I.1, entenderase que desiste da solicitude. Neste suposto, emitirase unha nova Resolución, consonte cos prazos e coa forma contemplados nos parágrafos anteriores, declarando seleccionada a seguinte persoa da lista de non seleccionados.

5. A presente resolución publicarase no taboleiro de anuncios da Xefatura Territorial de Vigo e na páxina web <http://www.mar.xunta.gal>.

Esta convocatoria tamén estará exposta, con carácter informativo, nos taboleiros de anuncios da Xefatura Comarcal de Vilagarcía de Arousa e de Pontevedra, así como no taboleiro de anuncios da Confraría da Guarda.

Contra esta resolución, que non pon fin á vía administrativa, poderá interpoñerse recurso de alzada ante a Conselleira do Mar no prazo dun (1) mes contado a partir do día seguinte ao da publicación desta resolución, de acordo co establecido nos artigos 30, 121 e 122 da Lei 39/2015 de 1 de outubro, do procedemento administrativo común das administracións públicas.

A xefa territorial

Sonia Lorenzo Santos

